

Headline	TNB serah zakat RM4.5j kepada MAIK		
MediaTitle	Berita Harian		
Date	17 May 2016	Language	Malay
Circulation	125,514	Readership	947,000
Section	Nasional	Page No	28
ArticleSize	235 cm ²	Journalist	N/A
PR Value	RM 24,302		



TNB serah zakat RM4.5j kepada MAIK

Kota Bharu: Majlis Agama Islam dan Adat Istiadat Melayu Kelantan (MAIK) menyasarkan kutipan zakat sebanyak RM165 juta tahun ini berbanding RM161 juta pada tahun lalu.

Timbalan Yang Dipertuanya, Dr Nik Mohd Azlan Abd Hadi, berkata sejak Januari hingga kini, lebih RM46.5 juta zakat berjaya dikutip.

Sasar kutipan RM165 juta

“Sasaran RM165 juta dianggap realistik walaupun dalam keadaan ekonomi negara yang mencabar. Ini berikutan adanya kesedaran tinggi daripada pembayar zakat

termasuk ahli korporat dari luar Kelantan,” katanya.

Beliau bercakap pada sidang media selepas menerima zakat perniagaan daripada Tenaga Nasional Berhad (TNB) Kelantan berjumlah RM4.5 juta di Kompleks Islam Darul Naim, Lundang di sini, semalam.

Pada majlis itu, Nik Mohd Azlan menerima zakat perniagaan TNB Kelantan bagi tahun kewangan berakhir 2014/2015 daripada Pengurus Besar TNB negeri, Datuk Ir Md Yuslan Md Yusof.

Bagi tahun kewangan 2013/2014, TNB menyerahkan zakat sebanyak RM867,000 kepada MAIK.



Md Yuslan (kiri) menyerahkan zakat perniagaan TNB bagi tahun 2014 /2015 kepada Nik Mohd Azlan di Balai Islam, Lundang, Kota Bharu, semalam.